



VVilleramus optimo ingenio & magna animi industria præditus fuit. itaq; literarum amore patriam relinquens Parisios sese contulit. Ibi enim omnes humaniores literæ maximè florebant. hinc factum, ut breui in sacris & prophanis studijs magnum nomē acquisierit. Cum autem in patriam literarijs artibus ornatus rediisset, Bābergensis Ecclesiæ scholasticus factus est. Verùm cū mores eius collegij minus approbaret, atq; interim cōsideraret, huius mundi gloriam & uoluptates subito cum tempore transire, cōtempo eo statu in Fuldēsi monasterio monachum induit. Tum enim omnes literæ maximo ardore in eo loco tan-

quam in celebri Academia docebantur. Ibi magnum uolumen prosa & carmine cōscriptum in Cantica Canticorum composuit, atq; nuptias Christi & Ecclesiæ magna pietate illustrauit. Cum itaq; finitimi eius ingenium mirarentur, in monasterio S. Petri prope Merseburgum abbas factus est. quam dignitatem summa humilitate & pietate obtinuit, & oues sibi commissas piè custodiuit, anno Christi 1080. Trit. in script.